

# ხელშეკრულება სახელმწიფო შესყიდვის შესახებ №516-2016

ქ. თბილისი

21 დეკემბერი, 2016 წელი

ერთი მხრივ – საქართველოს ტექნიკური უნივერსიტეტი (მისამართი: ქ. თბილისი, მ.კოსტავას ქ.№77) წარმოდგენილი ადმინისტრაციის ხელმძღვანელის ქ. ქოქრაშვილის სახით („შესყიდვები”), და მეორე მხრივ – შპს „ივერია ფრანსი” (იურ.მისამართი: ქ. თბილისი, გამსახურდიას 16) მისი დირექტორის მოადგილე ს. მოსაშვილის სახით („მიმწოდებელი”), ადასტურებენ, რომ მათ შორის მიღწეულია შეთანხმება შემდეგზე:

## 1. ხელშეკრულების ობიექტი

- 1.1. ხელშეკრულების ობიექტს წარმოადგენს: საკუთარი სახსრებით პარფიუმერული სასაჩუქრე ნაწარმის შესყიდვა (CPV33711000-სუნამოები და ტუალეტის ნივთები), კერძოდ DKNY - 4 ცალი, ერთეულის ფასი 76 ლარი, საერთო ღირებულებით 304 ლარი LALIQUE EDP - 1 ცალი, ერთეულის ფასი 91 ლარი, საერთო ღირებულებით 91 ლარი LALIQUE EDT- 2 ცალი, ერთეულის ფასი 88 ლარი, საერთო ღირებულებით 176 ლარი GALLIANO EDT-1 ცალი, ერთეულის ფასი 66 ლარი, საერთო ღირებულებით 66 ლარი FERRE EDT – 2 ცალი, ერთეულის ფასი 93 ლარი, საერთო ღირებულებით 186 ლარი ToUS EDP – 3 ცალი, ერთეულის ფასი 59 ლარი, საერთო ღირებულებით 177 ლარი
- 1.2. შესყიდვის განხორციელების საშუალება – გამარტივებული შესყიდვა

## 2. ხელშეკრულების ფასი

- 2.1. ხელშეკრულების ფასი შეადგენს: 1000 (ათასი) ლარს.
- 2.2. ხელშეკრულების ფასი საბოლოოა და ითვალისწინებს მიმწოდებლის ყველა ხარჯებს, ასევე საქართველოს კანონმდებლობით დადგენილ ყველა გადასახადს.

## 3. ხელშეკრულების შესრულების კონტროლი

- 3.1. მიმწოდებლის მიერ ნაკისრი ვალდებულებების შესრულების კონტროლსა და ზედამხედველობაზე უფლებამოსილია შემსყიდვები მხარე. ხელშეკრულებით ნაკისრი ვალდებულებების შესრულების კონტროლს განახორციელებს სტუ-ს შესყიდვების დეპარტამენტის უფროსის მოადგილე ს. ფარსევდაშვილი, ხოლო მიღება-ჩაბარების აქტზე ხელმომწერი პირი შემსყიდვების მხრიდან ზურაბ ფრანგიშვილი – სტუ-ს საწყობის გამგე.
- 3.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დაფექტის ან ნაკლის აღმოფხვრა.

## 4. საქონლის მოწოდების ვადა და ადგილი

- 4.1. საქონლის მოწოდების სავალდებულო ვადა – ხელშეკრულების გაფორმებიდან 2016 წლის 27 დეკემბრამდე.
- 4.2. მისამართი ქ. თბილისი, კოსტავას 77. სტუ-ს ადმინისტრაციული კორპუსი.

## 5. ანგარიშსწორების ფორმა, ვადები და პირობები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;
- 5.2. ანგარიშსწორება განხორციელდება საქონლის მოწოდების შემდეგ, მხარეთა შორის შესაბამისი მიღება-ჩაბარების აქტის ხელმომწერიდან 5 სამუშაო დღის განმავლობაში. ამასთან, მიმწოდებელმა უნდა წარმოადგინოს სასაქონლო ზედნადები

## 6. უფლებების გადაცემა

- 6.1. მიმწოდებელს არა აქვს უფლება შემსყიდვების წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

## **7. მხარეთა პასუხისმგებლობა**

7.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაკაისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების ღირებულების 0,02%-ის ოდენობით

7.2. ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დაკისროს პირგასამტეხლო შესასრულებელი ვალდებულების ღირებულების 10%-ის ოდენობით

## **8. ფორს-მაჟორი**

8.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუდახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3 ფორს-მაჟორული გარემოებების დაგრომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **9. დავების გადაწყვეტა**

9.1. მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

## **10. ხელშეკრულების მოქმედების ვადა**

10.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2017წლის 30 იანვრამდე.

## 11. სხვა პირობები

- 11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 11.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

„შემსყიდველი“  
საქართველოს ტექნიკური  
უნივერსიტეტი  
მის: კოსტავას ქ. №77  
სახელმწიფო ხაზინა  
ა.ა. 708977289  
ბანკის კოდი TRESGE22  
ს.ქ. 211349192

„მიმწოდებელი“  
შპს „ივერია ფრანსის“  
მის: ქ. თბილისი, გამსახურდიას 25  
ს/ს „თიბისი ბანკი“  
ა.ა GE53TB0600000107467165  
ბანკის კოდი TBCBGE22  
ს.ქ. 205046074

